

B. N. C.
FIRENZE

1035

16





1035.16


Originals



XI
14

XXIX

ZVTII



DE OFFICIO,
AC DIGNITATE
IVRISCONSULTI.

PRÆFATIO
AMBROSII LVTII I.V.C.
Patricij Senensis.

Habita in Senensi Gymnasio. V: Id: Decemb: cum
inciperet Ordinario (vt dicitur) more iura in-
terpetrari; quod decem annorum spacio
publice docendo, & ex edicto con-
secutus est Nonis Decemb.

A SERENISS: COSMO MED:
Magn: D: E: IV:

Ex Legato D.
Francis: Marini

Equit: Senator



SVPERIORVM PERMISSV.

SENIS, Ex Typographia Matthæi Florimi. 1609.

THE
 UNIVERSITY OF
 THE STATE OF
 NEW YORK
 IN SENATE
 JANUARY 18, 1887
 REPORT
 OF THE
 COMMISSIONERS OF THE
 LAND OFFICE
 IN RESPONSE TO A
 RESOLUTION PASSED
 BY THE SENATE
 APRIL 18, 1886
 ALBANY: J. B. LIPPINCOTT & CO. PRINTERS.
 1887.




PRINTED BY J. B. LIPPINCOTT & CO., ALBANY, N. Y.
 1887.

ILLVSTRISSIMO DOM.

NICHOLAO MONALDENSI

ABBATI REVERENDISSIMO

DOM. SVO COLENDISS.



*ESINE mirari (Illustriss. Abbas) nomen tuum his literis à Typographo; neque enim Prefatio hac (exigua sanè res) tibi dicatur; Sed qui eam edi voluit, auctoritatem tuam me simul implorare iussit, qua, si hoc suum factum olim detegatur, possit Domini Ambrosij amorem sibi reconciliare; Amicus quippe amico ingenij fructum surripuit: amico surripuit animo: Excusatio per se tutissima: Addit rationem, Amicum ad graviora urgere cupit, dum agrè ferat, spacio decem annorum, quo iura publice profitetur unam dumtaxat interpretationum Prefationem circumferri. nam ille suus de Iudicijs, vel potius variarum conclusionum libellus, illi sua disputationi, per tri-
duum à se habita accomodatus, priuatorum la-*

borum est, at nunc publicorum aliquod specimen
desideraretur. Hac editionis causa: hac huius
epistola ratio: Qui me scribere voluit, egregiam
istam tuam humanitatem, & suavisimam fa-
cilitatem morum expertus est: Ego verò scio,
te cum multis, maximisq; nominibus clarum,
tum precipua quadam animi magnitudine, ac
benignitate in ore, in oculis, in admiratione
omnium versari. Meritò rem tibi exposuisse
satis: à te beneficium petisse plus satis. Vale.
Senis. Idib. Decemb. M. DC. IX.

Illustrissime Dominationi tuae

Addictissimus

Matthaus Florimus Typographus.



QUOD à sapientissimis viris dictum est,
 hanc, ad quam nascimur, societatem esse
 publicum dandi reddendiq; beneficia cō-
 mercium nihil tam iustum, aut naturale
 videri significat, quàm gratiam ijs referre,
 qui beneficia contulerunt. Quoniam verò
 hæc sæpius ab ijs, qui plus possunt, quàm egeant, ad eos,
 qui contrà plus egent quàm possint, proficiscantur, vsu veni-
 re sæpissimè videmus, vt habeantur potius gratia, quàm re-
 ferantur; Igitur in tanta frequentissimi negocij difficultate
 quid beatius viro grato contingat, quàm id generis benefi-
 cia accipere, quæ si rectè, & ita vt dantur accepta fuerint,
 hoc ipso reddita videantur? Eiusdem sunt (nisi spe, ac de-
 siderio gratiarum agendarum fallor) quæ mihi videor per-
 cepisse in ac legalis Philosophiæ interpretandę commodi-
 tate; Vnicum licet plurium partium beneficium appellabo,
 quo ad ius profitendum inter ordinarios promoueor; cuius
 causa me plurimum pluribus debere tùm sæpius antea dixi,
 tùm ex hoc eminentiore loco solemnè testatione profiteor;
 Debeo enim Deo Opt. Max. Deiparæ Virgini, & Cœlitibus
 vniuersis: debeo Vobis omnibus Aud. Vobis patrōni, ami-
 ci, præceptores: Vobis etiam Iuvenes eruditi, nobiles, Il-
 lustrissimi (vna oratione omnes Auditores meos comple-
 ctor) A vobis omnibus studia mea, & vitam sumpserunt,
 & alimenta: Vos mihi animos addere, vires augere, inge-
 nium excitare voluistis: Sed maximam beneficij partem iu-
 re sibi vendicat Parens, qui tùm honestissimo totius vitæ
 suæ exemplo incitauit, tùm optimis me amicis suis, ac mea
 studia, qualia illacunq; fuerint, commendauit. Deniq; Pe-
 rillulustribus, atq; Excellentissimis Viris debeo, iuris clauum
 in ac Vrbe regentibus, qui totius beneficij confusam quasi
 materiam nouo, à se auctam beneficio, præbuerunt Sereniss.
 Domino nostro Magno Hetruriæ Duci, & maximo Italiæ,
 ac totius Orbis Christiani præsidio, ac firmamento; Cui
 præ-

præterea quid non debeam, qui beneficium ita informe, obscureum quasi caos, gratiarum suarum splendore illuminare, & informare dignatus est? Debeo itaq; plurimis plurimūq; & nihil optatius, nē votis quidem conceptis, sperabo, quā singulis gratias, & nosse pro dignitate habere, & posse p magnitudine beneficij referre; Verū enim verō quæ plenior gratiarum actio in hoc beneficij genere desideratur, quā vt a me rectē quod datum est, & quomodo datum est suscipiatur? vt nempē docendo, ac profitendo laudatissimam Iurisprudentiam excolere, sustinere, & quantum in me est totis viribus propagare contendam? Quamobrem si beneficium complexus fuero, omnemq; operam meam consumpsero, vt mihi, & cunctis Iuris Ciuilis studiosis prodesse laborem, illud profectō consequar, ne collatum in me beneficium perditum videatur, at, si perditum non fuerit, redditum videri necesse est: Illa etenim dumtaxat beneficia non perduntur, quæ reddi videntur: O egregium beneficij genus, cuius sola collatio remunerationem parit, quod cum suscipitur redditur, quod ipso illum iure gratum reddit, qui rectē suscepit; Meritō in hoc munere vestrę utilitati, & commodo, præstantissimi Iuuenes, totum me vobis exhibeo; Et quoniam partim re, partim verbis, hoc est lectione, & exhortatione constare videtur; hodiernus autem dies, quo tot, tantiq; Viri concionem nostram sua præsentia illustrare, & me nouis beneficijs afficere voluerunt, dicendi potius, quā docendi partes exposcit, idcirco in exhortatione addiscendum docendi fundamenta collocabo.

In promptu est certissimum hortationis argumentum, commendatio Iurisprudentiæ. Sed quilibet vestrum huius præstantissimæ disciplinæ decus eminentiore quadam forma concepit, quā orationis meæ coloribus, vel adumbrari valeat; nullo tamen grauiore argilmento hæc generosa Iuuentus ad illius amorem se inflammarī pateretur. Quo me igitur vertam Aud. quod mihi dicendi chrinomenon re-

lin-

linquatur ? Sed video nouam exhortandi rationem : Ad nouum dicendi genus nouo consilio progredior ; Quæ etenim sese mihi poterat offerri opportunior occasio, quam præsentia vestra Electissimi Aud. vt rem multi maximiq; momenti, quam diu cogitatione reuoluo, palàm, vbi opus esset, profferem ? Imminet enim non dicam literariæ tantùm reipublicæ, sed propè ipsi Ciuitati periculum : Propagatur fraus, quæ totius Vrbis perniciem minatur : Vobis ipsis I. C. quotquot adestis, & prudentissimo Senatui vestro ; vobis deniq; omnibus, qui iura Ciuium aut colitis, aut fouetis, insidiæ parantur : Casum vestrum Ciuitatis interitus sequatur necesse est : Equidem rem totam breuiter exponam, quæq; propugnacula in promptu videbuntur esse demonstrabo ; vestra agitur causa. Vestræ igitur erit humanitatis attendere ; prudentiæ consulere . Sunt in hac Vrbe docti quidam, & acutissimi Viri nominis, ordinisq; nostri hostes acerrimi : Hi veterum Iurisprudentum laudes, quas se nunquam obscuraturos putant, magnificis verbis exornant, vel quòd hac ratione dolum se facilius nectere posse opinantur, vel quòd virtus, & veritas etiam ab inuidis, atq; hostibus aliquod extorquent elogium : Deinde ad recentiores I. C. paulatim oratione labuntur ; hìc subsistunt, & quadam obducta nube ex vaporibus forte illorum, qui parum feliciter in Iure versati sunt, legalis Philosophiæ splendorem celare, & obscurare nituntur : Adolescentibus qui, quòd primum adhuc sapientiæ tyrocinium agunt, faciliè primas sententias animo imbibunt, ac seruant, vt recens testa, quo semel est imbuta, diu seruat odorem . I. C. nostris temporibus florescentes, non eandem Iurisprudentiam, non auctoritatem, non dignitatem retinuisse, qua veteres illi in oculis & admiratione omnium versantur, affirmant : quippe qui celeberrimam, & nunquam intermorituram laudem compararunt . Hoc dolo efficiunt, vt Iuuenes, etsi maiorum suorum auctoritate compulsi, suam Iurisprudentiæ operam nauent ; optabili tamen

tamen honoris ardore non inflammentur; Quoē circa neq; ad illud claritatis fastigium conspirant; in quo veteres politos fuisse acceperunt, neque quod illos animi ingenijq; extolleret altitudo, feruntur. Quare, si Ciuitatis anima lex est; legis verò nullum esse auxilium intelligimus, nisi probi, doctiq; viri eam cœteris ciuibus dicant, quis non intelligit Ciuitatem ipsam illos destruere; efflareq; animam iubere; qui & ipsi ab honestissimo legum studio abhorrent, & quod perniciosius est, ab eo auocatos adolescentium animos ad mitiora studia, honesta quidem, sed minus reipublicæ necessaria traducunt.

Narraui Aud. perniciosissimam fraudem, quàm callida suauitate contextam intelligitis: Equidem admiror egregiam istorum placabilitatem: Iurisprudentiam miserentur humi lapsam, nec subleuant: Queruntur à sapientibus viris derelictam, nec tuentur: Collacrimant labefactatam, & obscuratam, nec illustant. Fatentur deniq; reip. necessariam, nec suscipiunt, sed aduersantur, obscurant, deprimunt, opprimunt. Propugnaculum igitur ad muniendam arcem nostram, ad aduersariorum aciem profigandam, ad reuocandos transfugas, ad socios confirmandos, ad excitandos milites nostros opportunum est quàm citissimè docere. Recentiores itaq; I. C. veteribus illis non modò non munere, neq; doctorina inferiores, sed etiam autoritate atq; honore superiores esse confirmo: Interea efficiet oratio mea, ut persona, quam nostri Iurisprudentiæ studiosi induere cupiunt vna cum OFFICIO AC DIGNITATE IVRISCONSULTI tanquam è speculo ijs obuersetur, ac deniq; signum, & scopum ante illorum oculos constituam, quod laborum arcu sua studiorum tela feliciter dirigere valeant.

Eorum, qui Iuricijli præerant tria præcipuè munera animaduerto, vnum iure cauere, alterum leges, & facta interpretari, tertium nouas Iuris consuetudines incipere: Omisit vulgare illud de iure aperto respondendi munus, non enim legu-

V

leguleis modò, & pragmaticis commune, ac translativum
est; sed laboris, & memoriæ habet plurimum, ingenij ve-
rò, aut prudentiæ nihil. Primò itaq; veteres iure cauebant,
consilijs, & cautionibus, quibus interdum aliquid, quod an-
tea cognitum non erat, induxisse dicuntur; Sed quasdam
habebant formulas tanta calliditate syllabis, notis, inter-
punctionibus occupatas, ut nemini rem ullam iure agere li-
ceret, cui non interesset modò, sed etiam præesset versutus
quispiam iuris illius magister: Hinc apud Ciceronem An-
tonius affectatam dicendi occasionem arripuit, eos per se
nihil nisi leguleios esse cautos, & acutos, præcones actio-
num, aucupes syllabarum; quæ sanè quantum de veterum
dignitate comminuant; tantumdem ad nostrorum amplifi-
candam laudem pertinent, qui; reiectis hisce callidis, aut
inanibus nugis, cuncta prudenter, graviter, & magnifice tra-
ctant. Quamobrem quis poterit eos, qui singulorum nego-
cia tot difficultatibus implicauerant venerari, & nostros, qui
apertè, planè, dilucideq; actiones instituunt, resq; nostras
componunt, parvis faciendos existimare? Aut vulgarium,
aut depravatorum hominum est; alienos quosq; viros com-
mendare, atq; extollere, suos probis afficere, & sermone
deprimere. Illud hac in re nostris esse, cum veteribus com-
mune videtur, quòd consilio iuvare, & hoc cognitionis ge-
nere prodesse quàm plurimis, ut apud Cic. Crassus affirmat,
tum ad opes, tum ad gratiam augendam plurimum semper
valuisse perspectum est; nam qui, legum peritia præditi; &
usu magnarum rerum instructi, lumen ingenij sui liberaliter
suis Civibus impertiuntur, nunquam satis pro dignitate ho-
noribus, ac præmijs afficerentur. Quid est, inquit Cic. præ-
clarius, quàm honoribus perfunctum senem posse suo iure
dicere id, quod apud Ennium dicebat ille Pythius Apollo;
se esse eum, unde; si non populi, & reges, at certè vniuersi
sui ciues, ut ab Oraculo, consilium expetunt? Intelligeba-
tis Enni, ac Cicero, viri sapientissimi, populos omnes; om-
nesq;

nesq; régés aliquo ciuili iure gubernari; eiusq; vsum à vris illius iuris peritis eddceri: Quod si à regibus iade peti consilia videmini denegare, id non de Iurisconsulti persona, quam & populorum, & regum, & totius orbis terræ oraculum dixissetis; sed de eiusdem Musæo, ac domo dixistis, q̄ sapius à dire videtur fortasse regiam maiestatem dedecere.

Alterum succedebat veterum munus iura Ciuitatis, aut facta ciuium interpretari: Nunc verò quis est adeò litium expers, & rerum omnium insignaris, quem lateat, quæstiones penè omnes, quibus hodiè fora replentur, non apertis legibus, sed aut legum similibus ratione, aut verborum proprietate, aut voluntatis coniectura, aut æquitatis disceptatione contineri? Quis igitur in hoc munere vllam inter nostros ac veteres dissimilitudinem audeat constituere?

Ad postremum venio cæterorum longè præstantissimum Iurisprudentiæ munus, vt, qua de re neq; à legibus, neq; à priuatis cautum esset, ipsi quod æquum bonumq; videretur suis responsis decernerent. Hæc est illa Iurisprudentiæ forma, quam veteres æqui boniq; artem esse dixerunt: hoc ius est, quod non in tabulis incisum, non longo usu formatum, sed in recta I. Conf. ratione positum, atq; ita positum est, vt certam iuris, & iniuriæ regulam, æqualitatis mensuram, iustitiæ libram teneat, exhibeat, doceat: Hæc illa vera est, & non fucata Philosophia, quam I. C. complexi sunt, & quidem complexi, non tam vt legibus conditis lites dirimerent, quàm vt legum condendarum, aut excogitarent principia, aut rationibus vterentur, quæ non multiplici opinione iactantur, vt certa Iuris scientia haberi non possit: Sed ipsa natura constant firmæ eternæq; in bono, & æquo locata. Si verò Aud. quisquam est, qui dubitet, an hæc admirabilis Iurisprudentiæ pars ad nostros fuerit I. C. transmissa; Ego sanè non dubito, quin etiam fidei posterorum omnium fuerit cum Orbis terrarum æternitate commissa: Tam multæ, tam variæ sunt singularum ætatum conditiones, singu-
lorum

torum actiones hominum, ut nulla perpetua lege componi,
nulla legistorum prudentia prouideri, nulla temporum
durumitate decerni patiantur. Leges utilitati seruiunt; uti-
litas moribus; mores temporibus; tempora vicissitudinibus,
vicissitudines rerum ferme omnium fato (hoc est, incommu-
tabili diuinae voluntatis dispositioni) quod in ipsa inconstan-
tia constans, firmum, stabileq; censendum est. Quamobrem
si res, si tempora; si mores; si utilitates mutantur, ecquis du-
bitet leges adhuc nouas, noua edicta, noua responsa ex ipsis
esse iustitiae fontibus haurienda? Vestra admurmuratio, hu-
manis. Aud. commonet me nonnullorum, qui orationi
meae aduersari videntur; quippe qui probe nouerunt, solum
hodie Imperatorem (quo nomine singulos in sua ditione
principes complector) legum esse interpretem, conditorem,
oraculum: cedo maiestati: do nomen legislatoris; agnosco
imperium; sed ita ut nihil magis super nostros I. C. emi-
neat Imperator; quam super veteres eminent aut Popu-
lus, aut Senatus: Veteres I. C. fuerunt populo Senatui, &
iudicibus auctores, consilij, sapientes: Nostri sunt Impe-
ratorum, Rerumpublicarum, & iudicium latera, corda, va-
ces. Sit sane Imperatorum pectus scrinium, armarium, arca
legum; est tamen I. C. noster pectus; mens, animus legem
dantis Imperatoris. Quocirca nostrum, Iurisprudentis
nempe, certum, ac princeps munus est, non ex veterum frag-
mentis dumtaxat iura docere; sed ab ipsis iustitiae principiis
leges repetere. Sentio Iurisprudentum meritis meam altius
rapi orationem: sed tanti momenti rem silentio praeterire
nefas existimo. Sit, inquam, iustitiae forma numen quoddam,
aut diuinam menti diuinitus haerens Idaea: Eius certe simu-
lacrum, unde, quasi ab oraculo, responsa petuntur in I. C. ca-
pire, in augustissima veluti ara, mortales venerantur: Cola-
tur quidem iustitia Ethnicis inter Deas: erunt I. C. custo-
des, Sacerdotes, interpretes; Sed quam Deam appello? quae
nusquam est; aut, si visquam est, vna sola est. I. C. vero (au-

deo dicere) tot veluti Dij censendi sint ; si sunt enim , qui Dei Opt. Max. non maiestatem emulantes , sed officio quasi fungentes , & poenas , & præmia proponendo cæteros homines regunt , & sua cuncta prudentia dirigunt , tuentur , moderantur .

Quod si nefas est humanam vltra conditionem hominib. honores dicare , profectò qui summi solent in terris decerni I. C. debentur ; principes igitur populorum dicantur , reges gentium , Orbis terræ rectores ; Etenim , si naturæ lege , qui cæteris præstant , cæteris quoq; dominantur , & imperant , si liberi homines imperio subijci passi sunt , vt essent qui , ius suum vnicuiq; tribuentes , iuris æqualitatem seruarent , cur egregijs illis nominibus I. C. non appellemus , qui tum gentium , tum naturæ præscripto reges esse merentur , quibus regiam iuris reddendi scientiam , & potestatem natura , Ciuitas , doctrina dederunt ? Et quis adeò parùm inter antiquarum rerum monumenta versatus est , qui nesciat , reges ipsos antiquitus iudicasse ? Et eos , qui Hebræorum populo summo cum imperio præerant , diu non reges fuisse , sed iudices appellatos ? Vt intelligamus nihil tam regium esse , quam iudicare .

Dixi , sed non quæcumq; poteram ad significanda veterum Iurisprudentum officia : Demonstravi eadem omnia nos suscipere oportere : An maiore cum laude suscipiamus ambigitur adhuc ? Veteres ante lucem priuata in domo docebant ; nostris publica gymnasia Imperatores per quàm honorificè , splendideq; aperuerunt : Illi in consilium quandoq; à iudicibus vocabantur ; nostris vniuersa iudicia , prima subsellia decernuntur : illis interdum Principes ad remp. suam administrandam utebantur ; nostris omnes rerump. partes , vniuersa gubernacula conceduntur ; vt hinc apertissimè conijcere liceat , quantum Iuris ciuilis cognitione , & vsu mens illustretur , ratiocinatio dirigatur , sapientia informetur , & rerum omnium dominatrix prudentia comparetur . In manu ve-

nu veterum omnis fortuna, & vita positæ videbantur; in po-
-estate nostrorum immortalis animi quoq; salus æterna re-
-ponitur: Illorum finis erat humana felicitas; nostri beatita-
-tem nunquam perituram cura doctrinaq; meditantur: de-
-niq; veteres Iurisprudentiæ meritis ad Quæsturam, ad Con-
-sulatum, ad Patriciatum euehebantur, nostri verò ad amplis-
-simos honores, ad summa dignitatum culmina, ad altissimū
-quasi diuinitatis fastigium extolluntur; sed in singulis im-
-morari in hac temporis angustia non licet, in hoc ad stantiū
-splendore non decet. Habetis igitur optimi Iuuenes artem
-à multis illustratam clarissimis viris, veteribus & ingenij acu-
-mine, & iudicij soliditate, & scribendi ordine, & loquen-
-di candore, & omni deniq; eruditionis commendatione va-
-diq; comparandis. Habetis disciplinam rerum humanarum
-diuinarumq; reginam, virtutum compendium, iusticiam lo-
-quentem, mundi conservatricem, æternæ beatitudinis du-
-cem, scientiam scientiarum, omnium architectonicam; in-
-genio, eruditione, nobilitate vestra dignissimam. Vos igitur
-generosa, & omni laude meritisissima Germanorum natio, qui
-peregrinatione vestra hanc antiquissimam Hetruriz Sedem
-tam frequenter ornatis, si patriæ doctrinæ splendorem ada-
-matis, mouete, ac descendite hanc propè dixerim vestram Iu-
-risprudentiam, qui illam tum explicationum peruis, & or-
-dinis forma resuscitastis, tum elocutionis colore, & erudi-
-tionis gemmis illustrastis. Vos ceteri Nobilissimi Aduer-
-sarij, qui tanta alacritate à patria seiungi à laribus extrahi, à pa-
-rentum, cognatorum, amicorumq; complexibus diuelli po-
-tulistis, Iurisprudentiæ causam suscipite, & ingenij vestri ar-
-mis communem arcem tueamini; quippe qui singuli singu-
-los patrios Iuris Cons. habetis: Enumerarem Doctorum
-exercitum, qui sub vexillo præstantissimi Ducis Andreæ Ad-
-ciati legalem militiam non minus doctè, quàm erudite exer-
-cuerunt; sed nomina reticebo, ne sim aut longior quàm pro-


po-

polueram, aut ieiunior, quàm Italorùm dignitas postula-
rèt: Vestros eadem ratione, o Ciues Senenses, eodem silen-
tio inuoluo Præpositos, Petruccios, Sozzinos, Poliros, Lu-
rios, Doccios, Bardos, Bulgarinos, Beringuccios, Beneuo-
lentos, Bargaglios, Spannocchios, Turaminos, & alios,
quos æque veneror multos; O bone Deus, quæ lumina, quæ
ornamenta Senensis Urbis, Hetruriæ, Italiæ deniq; vniuersæ.
Persuasum, opinor, iam est, Iuuenes, veram virtutem,
æternamq; laudem in vera Iurisprudentiâ sitam esse: neq;
tam sub eruditioribus uiris esse neglectam: Vos, vos ergò
Iustitiæ hæc in re patroni esse velitis, vt eiusdem clientes es-
se possitis; ad pristinum illam decus, atq; splendorem reuo-
cate, vt eius fulgoribus illustrari valeatis. An quod huma-
nioribus disciplinis exculti, multis literis eruditi; in Ma-
gis Academijs nobilitati estis, ideo Iurisprudentiam de-
stituitis? Sed quid deinde? quid futurum censeatis? An
priscam illam cognitionem, quam mortuam deploratis,
suis per se ipsam viribus redituram ad lucem? At verius il-
la ipsa, quæ iam reuixit, nunc vestra culpa ad tenebras
euoluetur, si modo tenebre, & non sepulcra dicenda sunt,
vbi quam necatis Iurisprudentiam sepeliri necesse est. Ci-
ues Senenses, Romano genere oriundi, optimos Ciuium,
vt Romani, iuris sui custodes constituendos censuerunt:
Vos autem legum interpretatione, & fortunarum capi-
tumq; omnium potestate vt se probi viri, & eruditi abdi-
cent, par esse censeatis? Equidem indicaui, & aperui frau-
des: opportuna remedia commonstrauimus: imminentem pe-
stem effugite: rejicite ergò aduersariorum figmenta, & si
laudem, & sup. maiam utilitatem vestram, si parentum, se-
niorumq; gratiam, si familiæ splendorem, si Ciuitatis in-
columitatem, & gloriam, si Maximi Optimiq; Principis,
si deniq; omnium gentium voluntatem, atq; amorem a-
matis, studia, & lucubrationes vestras vni Iurisprudentiæ
dedi-

dedicate. Vos verò Aud. omnes vno verbo literariæ reip.
 nostræ Ciues appello, pergite, & inceptum iter summa
 cum alacritatè percurrite: viam ad nominis immortalita-
 tem maxime expeditam, vel ommissam repetite, vel am-
 plexatam ad extremum vsq; ne vos pigeat retinere. Neq;
 enim dubitare fas est, quin præclaris inijs vestris exitus sic
 longè præclarissimus diuino beneficio concedendus. Dixi.



1. The first of these is the fact that the
 2. of the system is not a simple matter of
 3. the system is not a simple matter of
 4. the system is not a simple matter of
 5. the system is not a simple matter of
 6. the system is not a simple matter of
 7. the system is not a simple matter of
 8. the system is not a simple matter of
 9. the system is not a simple matter of
 10. the system is not a simple matter of



2
10.35.16

99 957002



Angelo Pandimiglio



restauratore

* 825650



* 8274800

